



ԱՆՈՒԱՆԱԿԱՆ ԲԱՐՁՐԱԳՈՅՆ ՀՐԱՄԱՆ ԿԱՌԱՎԱՐԻՉ
ՍԵՆԱՏԻՆ.

Մեր Նախնեաց աւանդների համաձայն մշտապէս հաղորդակից լինելով պրաւօսլաւ եկեղեցուն և Մեզ համար այնտեղ գտնելով խընդութիւն և հոգեկան ոյժերի նորոգումն, Մենք սրտանց միշտ ձգտում եինք ապահովել Մեր հպատակներից իւրաքանչիւրի հաւատոյ և աղօթքի ազատութիւնը նրա խղճի թելադրութեան համեմատ: Հոգալով իրականացնել այդ մտադրութիւնները, Մենք դեկտեմբերի 12-ի հրամանի մէջ մատնանշած բարեփոխութեանց շարքում մտցրինք նաև որ իրական միջոցների ձեռնարկուի՝ վերացնելու կրօնական շրջանակում եղած սահմանափակումները:

Այժմ քննելով նախարարների ժողովում այդ առթիւ կազմած կանոնները և գտնելով այն համապատասխան Մեր՝ Ռուսաց կայսրութեան մէջ կրօնական համբերատարութեան սկզբունքներ հաստատելու նուիրական ցանկութեան, Մենք օգտակար վարկանք հաստատել այդ կանոնները:

Հրաւիրելով Ըմենաբարձրեայի օրհնութիւնը այդ՝ խաղաղութեան և սիրոյ գործի վրայ և յուսալով, որ նա կը ծառայի պրաւօսլաւ հաւատի առաւել բարգաւաճման, որ բրդխում է Եստուածային շնորհի ուսմամբ, խոնարհութեամբ և բարի օրինակներով՝ Սենք Սեր այդ վճռի համաձայն հրամայում ենք։—

1) Ընդունել, որ ռուսադաւանութիւնից քրիստոնէական ուրիշ դաւանութեան կամ վարդապետութեան անցնելը ենթակայ չէ հալածանքի և չի կարող անհատի անձնական կամ քաղաքացիական իրաւունքներին վնասակար հետեանք ունենալ և ռուսադաւանութիւնից հեռացած չափահաս անձնաւորութիւնը հաշուում է այն դաւանութեան, որը նա ընտրել է։

2) Ընդունել, որ միեւնոյն դաւանութեան պատկանող ամուսիններից մինի այլ դաւանութեան անցնելու դէպքում բոլոր անչափահաս զաւակները մնում են նախկին հաւատոյ մէջ, իսկ եթէ երկու ամուսիններն էլ կրօնափոխ լինին, նրանց զաւակները մինչև 14 տարեկան հասակը հետևում են ծնողական դաւանութեան, իսկ այդ տարիքի հասնելուց յետոյ մնում են նախկին դաւանութեան։

3) Որպէս յիշեալ կանոնների լրացուցիչ մի մաս (1 և 2-դ կէտերի), սահմանել, որ պրաւօսլաւ համարուած անձինք, որոնք իսկապէս դաւանում են այն ոչ քրիստոնէական հաւատը, որին պատկանում էին իրենք, կամ

իրենց նախնիքը նախ քան ռուսադաւան դառնալը, եթէ ցանկանան, կարող են հանուիլ ռուսադաւանների թուից:

4) Թոյլ տալ քրիստոնէական բոլոր դաւանութեանց պատկանողներին, որ իրենց որդեգրած, բայց դտած դեռ չըմկրտուած երեխաներին, որոնց ծնողներն յայտնի չեն, մկրտեն իրեն հաւատոյ ծէսերի համեմատ:

5) Օրէքի մէջ տարբերել այն վարդապետութիւնները, որոնք այժմ կոչւում են «հերձուած», բաժանելով այն երեք խմբերի. ա) հնածէսների խմբակցութիւններ. բ) աղանդաւորութիւն և գ) առտառոց ուսման հետևողներ, որոնց պատկանիլը պատժւում է քրէական կարգով:

6) Ղանաչել, որ օրէնքի որոշումները, որոնք իրաւունք են տալիս հասարակական աղօթքներ և որոշում աղանդի դիրքը քաղաքացիական տեսակէտից, վերաբերում են ինչպէս հնածէսների միութեանց, այնպէս էլ զանազան աղանդաւորութեան. իսկ կրօնական պատճառներով օրէնքների խախտումն յանցաւորներին ենթարկում է օրէնքով որոշուած պատասխանատուութեան:

7) Ներկայումս գործածուող «հերձուածող» բառի փոխարէն հնածէս անուանել այն բոլոր միութեանց և ճիւղերի հետևողներին, որոնք ընդունում են պրաւօսլաւ եկեղեցու դօգմաները, միայն չեն ընդունում նրա մի քանի

ծէսերը և իրենց աստուածապաշտութիւնը կատարում են հին տպած գրքերի համեմատ:

8) Պիտենալի որ հնածէսների և աղանդաւորների աղօթատների շինութիւնը, ինչպէս և նրանց նորոգութեան թոյլտուութիւնը պէտք է տեղի ունենան այն որոշումների համաձայն, որոնք գոյութիւն ունին կամ կըսահմանուին այլափառ եկեղեցիների համար:

9) Թոյլ տալ հնածէս համայնքների կողմից ընտրուած հոգևորականներին կրօնական կարգեր կատարելու համար կոչուել՝ աւագերէց և ուսուցիչ, և այդ անձինք կառավարութեան կողմից պաշտօնի մէջ հաստատուելուց յետոյ, պէտք է հանուին գիւղական կամ մեշանների դասակարգից, որին նրանք պատկանում էին և ազատ պէտք է լինին ներգործական բանակի մէջ զինուորական ծառայութիւնից մի և նոյն քաղաքական իշխանութեան թոյլտուութեամբ և այն անուամբ, որը նրանք ընդունել են հոգևորականութեան մէջ մտնելիս՝ հաւասարապէս թոյլ տալով, որ նրանց տրուած անցագիրներում պարապմունք ցոյց տուող հարցի դիմաց նշանակուի հոգևորականութեան մէջ նրանց ունեցած գիւրքը՝ առանց պրաւօսլաւ հոգևորականութեան յատկացրած անունները գործ դնելու:

10) Թոյլ տալ նոյն հոգևորականներին ազատօրէն կատարելու իրենց հոգևոր պաշտամունքը՝ ինչպէս մասնաւոր տներում, և աղօթատներում, այնպէս էլ բոլոր կարևոր գէպ-

քերում, արգելելով եկեղեցական զգեստների գործածութիւնը, երբ այդ օրէնքով խոտելի կլինի: Եւագերէցներին և դաստիարակներին (5 9) կտակներ վկայելու գործում տալ այն բոլոր իրաւունքները, որոնցով օգտուում են առհասարակ բոլոր հոգեւորականները:

11) Հնածէսներին և աղանդաւորներին պրաւօսլաւների հետ ամուսնանալիս տալ այն բոլոր իրաւունքները, որոնք տրւում են այլադաւաններին:

12) Բանալ այն բոլոր կնքուած աղօթատրները, որոնք փակուած են թէ վարչական եղանակաւ՝ նախարարների միջոցաւ Բարձրագոյն բարեհայեցողութեան առաջարկուելով և թէ դատարանական հիմնարկութեանց որոշմամբ, բացի այն աղօթատներից, որոնք փակուած են շինարարական օրէնքներ չըկատարելու պատճառով:

13) Սահմանել որպէս ընդհանուր կանոն, որ քրիստոնէական բոլոր դաւանութեանց եկեղեցիների և աղօթատների կառուցումը վերաշինութիւնը և նորոգութիւնը թոյլատրելու համար հարկաւոր է. ա) համապատասխան հոգեւոր իշխանութեան համաձայնութիւնը, բ) հարկաւոր դրամական միջոցներ ունենալը գ) շինարարական օրինաց տեխնիքական պահանջների պահպանութիւնը: Բացառութիւններ այս ընդհանուր կանոնից, եթէ նրանք մասնակի աեղերի համար կարեւոր կը համարուին, կարող են սահմանուիլ մի միայն օրէնսդրական կարգաւ:

14) Ընդունել՝ որ ամեն տեսակ դպրոցներում՝ այլադասան կրօնադիտութիւն աւանդելու դէպքում՝ այդ դասաւանդութիւնը պէտք է կատարուի ուսանողների մայրենի լեզուով և կրօնի դասաւանդութիւնը պէտք է յանձնուի համապատասխան դասանութեան հոգևորականներին՝ և մի միայն նրանց բացակայութեան դէպքում՝ նոյն դասանութեան պատկանող աշխարհական ուսուցիչներին:

15) Սերաքննելի ճանաչել մահմէդականների կրօնական կեանքի նշանաւոր մասերին՝ վերաբերեալ օրէնսդրութիւնը:

16) Սերաքննել լամայիտների մասին գոյութիւն ունեցող օրէնսդրութիւնը՝ խոտելի համարելով պաշտօնական գրութեանց մէջ նրանց «կռապաշտ» և «հեթանոս» կոչելը:

17) Բացի վերոյիշեալներից՝ գործադրել նաև Սեր՝ սոյն թուին հաստատած նախարարական կոմիտէտի որոշումները անցեալ տարուայ դեկտեմբերի 12-ի ուկադի վեցերորդ կէտի գործադրութեան եղանակի մասին:

Յանձնում ենք կառավարիչ Սենատին՝ վերոյիշեալների կատարման համար հարկաւոր կարգադրութիւններ անել:

Իսկականի վերայ՝ Նորին Ապսերական Մեծութեան ձեռքով ստորագրած է՝ ՆԻԿԱԼԱՅ:

Յարսիօէ Սելօ

17-ին ապրիլի 1905 թուի